

## **Theologia Scholastica Secundum Viam Et Doctrinam D. Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

Articulus I. De obiectiva beatitudine hominis.

---

[urn:nbn:de:hbz:466:1-74152](#)

stinus 5. de civit. c. 1. *rerum omnium optandarum cumulatam plenitudinem.* Formalis Angel. Doct. hic a. 1. *Bonum totaliter quietans & satians appetitum.*

Dividitur beatitudo sic accepta primò in naturalem, quam in statu Naturæ pura, vel integræ solis naturæ viribus homo potest consequi; & in supernaturalem, ad quem non nisi per supernaturalia auxilia evelutur, de qua nobis sermo. Secundò in essentiale, & accidentale, quartum illa occupatur in summo Bono per se primò & essentialiter, & accidens, ista vero in bonis & objectis inferioribus & accessoriis, ut humanitate Christi, gloria corporis &c. Tertiò in formalem & objectivam, quæ simul sumptus beatitudinem adæquatè constituunt. Formalis est operatio, quæ aequaliter summum Bonum, quod totaliter explet, & satiat appetitum. Nunc primò de beatitudine objectiva, rursum de formalis, ejusque proprietatibus, tandem de accidentaliter inquiramus. Unde sit

## ARTICULUS I.

### De Objectiva beatitudine hominis.

#### S U M M A R I A.

1. *Fides docet, beatitudinem hominis consistere in bono increato.*
2. *Status questionis.*
3. *Existentialia, attributa, & substantia relative intrinsecè pertinent ad constitutionem objecti beatifici.*
4. *Vita essentia parit connaturale desiderium vivendi necessaria adjuncta.*
5. *Differentia inter existentiam coloris respectu oculari, & existentiam Divine essentia respectu visionis beatifica.*
6. *Alia est in Deo ratio primi principii, & finis ultimi.*
7. *Ut relations pertineant ad objectum beatificum, sufficit, quod sint termini intrinseci Divinae essentiae.*
8. *Absoluta sunt priora relativis sola virtuali prioritatem a quo.*
9. *Beatitudo non dicit perfectionem secundum omnia sibi intrinseca.*
10. *An si per impossibile DEUS non esset Trinus, nihilominus foret objectum beatificum?*
11. *Prioritas originis in DEO non impedit simultatem cognitionis.*
12. *Quomodo Pater eternus habeat e se ipso beatitudinem?*
13. *Sola Divina essentia est objectum formale visionis, ut est cognitio, non ut est beatifica.*

#### S. I.

##### In quo consistat objectiva beatitudo?

**C**ERTUM est ex S. Script. Hominis objectivam beatitudinem consistere in solo bono increato. Ita Ptol. 16. dicitur. *Satiabor, cum apparuerit gloriam. Ps. 12. Quid mihi est in celo, & a te quid volui super terram? Unde eleganter D. August. 1. de Mor. Eccl. c. 8. *Bonorum summa DEUS nobis est, DEUS est nobis summum Bonum &c.**

Ratio est. In illo solo bono consistit objectiva beatitudo, quod solum potest satiare rationalem appetitum: sed solum bonum increatum Divinae Essentiae potest satiare hominis rationalem appetitum: ergo. Minor probatur primò. Solus ultimus finis potest ultimum explere, & satiare appetitum, quia quidquid propter aliud appetitur, non ultimò satiar appetitum: sed solum bonum increatum est hominis finis ultimus; sicut est primum principium ipsius: ergo. Secundò potentia resipiens bonum universale, non satiat aliquo ob-

jecto mulato & particulari, sed intellectus & voluntas sunt potentia respiciens objectum universale, & amplissimum; ille verū, ista bona unicū ergo satiat non possunt ab ulla creatura, quia est bonum mutatum, particularē, deficiens, sed illo solo expleri possunt, qui est ens per essentiam, in se contineat omne verum, & omne bonum, ne quo refert, quod intellectus & voluntas hominis sunt potentia finita: sunt enim potentia subiective & entitativè finita, objectivè tamen infinita; id est per se expleri ab objecto infinito, non tamen modo infinito.

Aliam subtilerem & metaphysicam questionem, excitant Scotisti: an existentia & Trinitas essentia, & attributa pertinent intrinsecè ad constitutionem objecti beatifici. Ita communiter Thomistæ cum S. D. 2. 2. q. 2. a. 8. ad 3. Ratio fundamentalis est, quod de ratione metaphysica objecti beatitatis, ut satiet & expletat omne justum desiderium, & appetitum Beati; sed essentia Divina præcibus existentia, attributis & personalitatibus non distinetur omne justum desiderium & appetitum beatitatis: ergo. Minor probatur. Beatus desiderat Deum videri quidditativè & intuitivè, ut in se, & subsistit: sed si tantum videret Divinam essentiam præcisam ab existentia & relationibus, non videret illam ut in se est, tum quia non videret esse, quod est quidditativum constitutivum Divinae essentiae & distinctivum visionis intuitivæ ab abstractiva cognitione, quia non videret modos & terminos, in quibus essentia Divina subsistit.

Adde, quod visus essentia est connaturale desiderium ad videndas proprietates cum essentia necessariò & formaliter connexas; sed attributa & proprietates relativæ necessariò & formaliter.

maliter cum Divina essentia sunt connexæ: ergo Beatus habet connaturale desiderium videndi relatas proprietates. Vide, quæ diximus loc.

## §. II.

## Solvuntur objections.

**O**bjetetur primò Si Deus destruendo colore conservaret visionem ipsius; oculus adhuc tam bene recrearet visione pulchri coloris non existens, quām recreabatur visione illius existens: ergo etiam intellectus tam bene potest recreari visione Divina essentia tantum objectivè existens, quām nunc recreatur visione ejusdem exercitè existens.

Respondeo primò, negando antecedens; quia, quidquid sit de possibilitate talis visionis, destruendo colore visione non eodem modo perficeret oculum, quo prius, siquidem non maneret intuitiva, nec repræsentaret colorum, ut in se est, sed fieret quodammodo abstractiva, in quantum repræsentaret colorum præcisè secundum aliquod esse terminativum & objectivum in oculo.

Respondeo secundò. Existentiā non esse intrinsecum constitutivū coloris, sicut est constitutivum Divina essentia; neque objectum oculi essentialiter exigere, ut sit ad æquatè satiativum, hoc est autem predicatum essentialē. Divina essentia in ratione objecti beatifici, ut sit ad æquatè satiativa; non autem ester ad æquatè satiativa, nisi esset clare visa, ut in se est.

**O**bjetetur tertio. Ad rationem objecti beatifici latet, quid se Divina essentia exhibeat tanquam ultimum suum, & summum Bonum, sed essentia Divina etiam præcisus personalitatibus exhibet se ut summum Bonum, ergo. Minor probatur. In tantum DEUS habet rationem primi principii, sed ratio primi principii DEO convenit, non enim unus, non ut est Trinus, ad eoque præcisus rationibus; ergo etiam hoc modo ipsi convenit rationes finis & summi Boni.

Confirmatur 1. Relations Divina in nostra sententia, tradita in disp. de DEO Trino, non supradicti perfectionem ad essentiam: ergo essentia Divina præcisus relationibus habet rationem summi Boni beatificantis.

Confirmatur secundò. Ratio summi Boni & beatitudinis pertinet ad perfectiones absolutas; sed perfectiones absolutæ sunt priores relativis: ergo etiam per prius convenienti Divina essentia rationes summi boni & beatitudinis, quām concipiuntur proprietates relativæ.

Respondeo negando majorem: Licet enim idem ens, quod est primum principium, sit etiam finis ultimus, & haec duo inter se convertantur, in quantum ex se mutuò inferuntur, non tamen eadem sunt formalia prædicta beatitudinis, & ultimi finis, quae sunt formalia prædicta primi principii, cùm ratio beatitudinis, & finis simpliciter ultimi importet essentiam DEI clare & quiditativer in se visam, ideoque omnino mode satiavam, ratio primi principii tantum importet perfectionem naturali lumine cognoscibilem.

Ad 1. confirmationem nego consequentiam,

venient personalitates relativæ intrinsecè perti-

R. P. Mezg. Theol. Schol. Tom. II.

pertineant ad rationem objecti beatifici, satis est, quid sint termini intrinseci, in quibus essentia Divina subsistit, & sine quibus, ut in se est, quidatitaveri videri naquit.

Ad 2. confirmationem Respondeo. Ratio 8. summi Boni pertinet ad perfectiones absolutas, quæ tamen necessariò includant aliquid relativum, concedo, que non includant, nego. Rursus Absoluta sunt priora relativis, præcisè secundum virtualem prioritatem à quo, concedo, secundum virtualem prioritatem in quo etiam in cognoscendo, nego.

Instabis primò. Beatitudo dicit perfectionem, relations non dicunt perfectionem: ergo ratio beatitudinis convenit Divina essentia independenter à relationibus.

Respondeo cum distinctione. Beatitudo secundum se totam & ad æquatè sumptam, nego, inadæquatè sumpta, & secundum rationem magis primariam, concedo. Nam ad æquatè sumpta includit terminos intrinsecos, in quibus subsistit.

Instabis secundo. Si per impossibile DEUS tantum ester unus, & non Trinus in Personis, adhuc essentia Divina ester objectum beatificum: ergo personalitates non sunt de ratione intrinsecæ ipsius.

Respondeo, quid in hac hypothesi impossibili: Divina essentia ester objectum beatificum alterius rationis, quām nunc est, quia enim tunc alterius subsisteret in se, quām nunc subsistit, etiam posse est aliò modò clare visa.

Objicitur tertio. Pater aternus est beatus 1. visione sua essentia, quatenus præcisa à personis: ergo personalitates non pertinent ad objectum beatificum. Antecedens probatur. Pro illo priori originis, quo Pater aternus cognoscendo suam essentiam producit Filium, Filius non ingreditur objectum cognitionis, quia pro illo priori essentia nondum intelligitur Filio communicata, nec Filius intelligitur productus, & tamen pro illo priori Pater aternus intelligitur beatus visione sua essentia: ergo est beatus visione sua essentia quatenus præcisa à personalitatibus.

Confirmatur 1. Pater habet beatitudinem à se ipso independenter à Personis; ergo Personæ non pertinent ad objectum beatificum ipsius.

Confirmatur 2. Sola essentia Divina, ut virtueliter distincta à personalitatibus & attributis est objectum formale tum increata, tum creatæ visionis: ergo etiam se solà præcisa personalitatibus & attributis potest esse objectum beatificum.

Respondeo, negando antecedens, ejusque probationem, quia, ut dictum in disput. de DEO, ordinis sive prioritas originis non impedit, sed exigit similitatem durationis & cognitionis. Ideoque etiam pro illo priori originis, quo Pater producit Filium, natura Divina intelligitur communicata, & Filius productus pro posteriori originis, h. e. ut accipiens naturam communica tam à Patre.

Ad 1. confirmationem distinguo antecedens. 12. Pater habet beatitudinem à se ipso principiative, h. est. per exclusionem alterius principii, à quo illam accipiat, concedo, objectivè, h. e. per exclusionem alterius Personæ concurrentis in ratione objecti, nego.

13. Ad 2. Confirmationem Respondeo in primis per illam nimirum probari; cum enim essentia Divina sit etiam motivum formale comprehensiva visionis, sequeretur, quod DEUS seipsum posset comprehendere non viis Personis, quod nemo concederit. Secundò igitur distinguo antecedens. Est objectum formale visionis, ut est cognitio, concedo, ut est beatifica, nego. Nam

visus substantiae cognitionis exigit pro objecto formalis motivo id, ratione cuius omnia in DEO sunt intelligibilia, sed hoc est essentia Divina, cuius essentiale constitutum est ipsum intelligere actualissimum. At vero sub ratione beatifica exigit pro formalis objecto id, quod est summe sativum & certificativum, quod non est nisi essentia Divina ut in clare visa.

## ARTICULUS II.

*An beatitudo formalis consistat in operatione creata?*

### S U M M A R I A.

1. *Varie sententie de beatitudine.*
2. *Beatitudo formalis ponenda in operatione creata.*
3. *Quae non est partis sensitiva, sed rationalis.*
4. *Christi humanitas non beatificatur formaliter per unionem hypostaticam.*
5. *Increata DEI visus, non potest esse beatitudo formalis.*
6. *Neque substantialis illapsus Divina essentia in animam beati.*
7. *Neque gratia sanctificans, vel lumen gloria.*
8. *Neque potest a solo DEO procedere.*
9. *Exponitur modus loquendi SS. PP.*
10. *Dissertatio inter hypostasin & visionem.*
11. *Substantia anima est beatificabilis mediate.*
12. *Beatitudo formalis est maxima perfectione sub ratione actualitatis ultima affectuive summorum bonorum.*
13. *Quid sit gratia consummata?*
14. *An homo beatificet seipsum?*
15. *An Christus formaliter sit beatus per unionem hypostaticam?*

### §. I.

*Statuitur beatitudo formalis in operatione creata.*

1. *Varia fuerunt de hoc punto Antiquorum placita: nam Henricus Gandensis, Hugo de S. Victore, & quidam DD. Parisienses contendebant, beatitudinem formalem consistere in intimo illapsu Divinitatis intra animam beati. Qui illapsus quadruplicem patitur expositionem. Primo, quod ipsa DEI essentia intimè penetrans substantiali Beati, illam quodammodo in se transformet, sicut ignis ferrum candens. Secundo, quod DEUS intimè unitus intellectui Beati eundem per suammet increatam visionem faciat & denominet videntem beatum. Tertiò [prout Amicus Henricum exponit disp. 2. sec. 4.] quod ipsa anima substantia per donum habituale gratia consummata sit unita Divina essentia. Quartò, quod solus DEUS actum visionis & fruitionis beatificans in anima Beati efficiat, ista passim solum se habente.*

2. *Vera & communis Duce Divo Thoma hic art. 1. & secundò, sententia est, beatitudinem formalem creature rationalis consistere in ipsius propria, creata, & elicita operatione. Cujus ratio est primò. Beatitudo formalis hominis est vita secunda ipsius juxta illud Rom. 6. Gratia*

*DEI vita eterna. Et Joan. 17. Hoc est vita terna, ut cognoscant te solum verum DEUM. Sed vita secunda hominis est operatio ipsius: ergo,*

*Secundò, Ultima hominis perfectio in genere vita intellectualis, affectuonis & possessionis Summi Boni, est operatio vitalis ipsius: id beatitudo est ultima hominis perfectio in genere vita intellectualis. Major probatur. Quandiu homo est in potentia perfectibili per actum secundum in genere vita intellectualis, tandem non habet ultimam perfectionem ejusdem generis; sed si caret operatione vitali, est in potentia perfectibili per actum secundum in genere vita intellectualis: ergo.*

*Tertiò. Affectuio & possessio Summi Boni formaliter affectuativa Beati non potest intelligi absque vitali operatione ipsius; sed beatitudo formalis est adeptio & possessio Summi Boni formaliter affectuativa: ergo. Tandem sequendò. Constat beatitudinem formalem consistere in actu visionis; sed hic est operatio vitalis: ergo.*

*E quo inferes 1. Hanc operationem vitam non esse partis sensitiva, sed rationalis, siquidem hac sola est capax attingendi DEUM, ut finem ultimum & supernaturalem, ut pluribus insinuat in Tract. de DEO.*

*Inferes secundò: Quamvis unio hypostatica, sit absolute major perfectio, quam visio beatifica, sitque fundamentum ipsius, quia Christus ratione unionis hypostatica debet visio beatifica, Christum tamen non esse beatum formaliter per unionem hypostaticam, sed per visionem beatificam. Ratio ex dictis est: quod unio hypostatica non sit operatio vitalis, ne affectuosa Summi Boni, qualem tamen esse visionem, mox dicemus.*

### §. II.

*Rejectione aliarum opinionum.*

*Inferes tertio: Beatitudinem formalem non possit consistere in increata visione DEI, quia ipse est beatus. Ratio ex dictis patet: quia visio increata DEI non potest denominare beatum vitaliter operantem, & videntem, ipsiusque in genere naturae intellectualis intrinsecus ac ultimè perficere; sed hoc totum requiritur ad beatitudinem formalem: ergo.*

*Inferes*